

Na osnovu Zakona o preuzimanju dioničkih društava (Službene novine Federacije BiH br. 77/15 – u daljem tekstu Zakon o preuzimanju), društvo s ograničenom odgovornošću MANN+HUMMEL AUSLANDBETEILIGUNGSGESELLSCHAFT mbH kao ponudilac, putem punomoćnika - advokata Zajedničke advokatske kancelarije Bojana Tkalčić – Đulić, Olodar Prebanić i Arela Jusufbašić – Goloman iz Sarajeva, ovim putem daje:

Ponudu za preuzimanje društva

“MANN+HUMMEL BA Fabrika filtera dioničko društvo Tešanj”

1. Ciljno društvo

- 1.1 Ciljno društvo je **“MANN+HUMMEL BA Fabrika filtera dioničko društvo Tešanj”**
- 1.2 Sjedište Ciljnog društva je u Bukva bb, 74260 Tešanj.
- 1.3 Osnovni kapital Ciljnog društva iznosi 15.249.248,00 KM (petnaest miliona dvjestočetrestdevet hiljada dvjestočetrestosam konvertibilnih maraka).
- 1.4 Osnovni kapital je podijeljen na 544.616 (slovima: petstočetrestčetirihiljade šestošesnaest) redovnih/običnih dionica koje čine 100% osnovnog kapitala Ciljnog društva. Svaka dionica ima nominalnu vrijednosti od 28,00 KM. Ciljno društvo ima samo jednu klasu dionica.

2. Ponudilac

- 2.1 Ponudilac je **MANN+HUMMEL AUSLANDBETEILIGUNGSGESELLSCHAFT MBH**,
- 2.2 Sjedište Ponudioca je u Schwieberdinger Straße 126, 71636 Ludwigsburg, Savezna Republika Njemačka.

3. Dionice Ciljnog društva koje drži Ponudilac

- 3.1 Ponudilac samostalno drži 531.190 redovnih dionica Ciljnog društva što čini 97,5348% od ukupnog broja dionica Ciljnog društva.
- 3.2 Svaka dionica Ciljnog društva daje pravo na jedan glas na Skupštini društva, pa Ponudilac drži i 97,5348% od ukupnog broja glasova Ciljnog društva.
- 3.3 Ponudilac djeluje samostalno.

4. Dionice koje su predmet ponude

- 4.1 Predmet ponude za preuzimanje su 13.426 (slovima: trinaesthiljadačetrestotinedvadesetšest) redovnih dionica, što čini 2,4652% od ukupnog broja dionica Ciljnog društva koje u momentu davanja ponude još uvijek nisu u vlasništvu Ponudioca.

5. Izjava Ponudioca

- 5.1 Ponuda za preuzimanje upućuje se svim dioničarima Ciljnog društva za sticanje svih dionica koje su predmet ponude, pod propisanim i objavljenim uvjetima iz ove ponude za preuzimanje;

6. Cijena

- 6.1 Cijenu koju se Ponudilac obavezuje platiti po dionici je 125,00 KM (slovima: stotinu dvadesetpet KM), što predstavlja 446,43% nominalne vrijednosti dionice.

7. Izvor i način osiguranja naknade za plaćanje cijene

- 7.1 Naknada za dionice koje su predmet ponude bit će plaćene novčanim sredstvima koje je obezbijedio Ponudilac iz sredstava koja je u tu svrhu dobio od društva-majke MANN+HUMMEL HOLDING GmbH. Naime, Ponudilac je društvo s ograničenom odgovornošću koje pripada MANN+HUMMEL grupaciji, sa sjedištem u Ludwigsburgu, Saveznoj Republici Njemačkoj i ima preko 80 društava širom svijeta. Osnovna djelatnost grupacije je razvoj, proizvodnja i promet proizvoda od metala i plastike, naročito sve vrste filtera za čvrste predmete, gasove i tečnosti, filterski sistemi, dijelovi za motorna vozila i automobile kao i oprema i sistemi za transport, obradu i separaciju. Godišnji promet MANN+HUMMEL grupacije za 2017.godinu iznosio je 3,892 milijarde EUR, a ostvarena dobit iznosi 102,2 miliona EUR. Ponudilac je društvo osnovano od grupacije u skladu s propisima SR Njemačke čija je glavna djelatnost sticanje i upravljanje direktnim i/ili indirektnim udjelima i dionicama u drugim pravnim licima, prvenstveno društvima sa sjedištem izvan Njemačke. Poslovnu aktivnost i djelatnost Ponudioca financira isključivo društvo majka MANN+HUMMEL HOLDING GmbH. Ponudilac, kao zavisno društvo s MANN+HUMMEL HOLDING GmbH, kao vladajućim društvom ima zaključen ugovor o upravljanju i prijenosu dobiti i gubitaka svih društava čije sjedište se nalazi u inozemstvu i u kojima ima vlasnički udio ili dionice. Obzirom na navedene pokazatelje Ponudilac je u mogućnosti obezbijediti iz sredstava vladajućeg društva - MANN+HUMMEL HOLDING GmbH naknadu za kupovinu svih dionica Ciljnog društva koje su predmet ponude po ponuđenoj cijeni.
- 7.2 Ponudilac je osigurao novčana sredstva uplatom na namjenski račun „Registra vrijednosnih papira“ d.d. Sarajevo (u daljem tekstu: Registar). Ponudilac je sa Registrom zaključio ugovor o obavljanju poslova u vezi sa preuzimanjem Ciljnog društva.
- 7.3 Ponudilac ne može raspolagati navedenim novčanim sredstvima sa namjenskog računa Registra, osim radi isplate za dionice koje su predmet ponude.

8. Rok plaćanja

- 8.1 Rok za plaćanje deponovanih dionica je sedam (7) dana od dana isteka roka trajanja ponude za preuzimanje.

9. Rok trajanja ponude za preuzimanje

- 9.1 Ponuda za preuzimanje traje 28 dana od dana objave u dnevnim novinama „Oslobođenje“ i „Dnevni avaz“. Rok trajanja ponude za preuzimanje počinje teći od dana kasnije objave.

10. Podaci o Registru

- 10.1 Naziv Registra je: „Registar vrijednosnih papira u Federaciji Bosne i Hercegovine“, dioničko društvo, Sarajevo. Skraćeni naziv Registra je: „Registar vrijednosnih papira“, d.d. Sarajevo.
- 10.2 Sjedište Registra je u Sarajevu.
- 10.3 Adresa u sjedištu Registra je: Ul. Maršala Tita 62/II, 71000 Sarajevo, Bosna i Hercegovina.